



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Informacija
o incidentu ispuštanja biološkog otpada u korito rijeke Miljacke
(Informativni materijal)

Predlagač: Gradonačelnica
Obradivač: Služba za urbano planiranje, investicije,
stambene i komunalne poslove

Sarajevo, juli 2022. godine

Adresa: Hamdije Kreševljakovića 3
71000 Sarajevo, BIH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Dana 09. jula 2022. godine, iz medija smo informisani da je u rijeci Miljackoj na dijelu kod Vijećnice zabilježeno isticanje značajne količine krvi iz jedne od zacjevljenjih pritoka sa lijeve obale. Kako se taj dan obilježavao islamski praznik Kurban bajram, kada se vrši klanje životinja, pretpostavka je da je ovo onečišćenje posljedica nemarnog odnosa prema odlaganju životinjskog otpada nakon klanja. Poznato je da nije dozvoljeno da se krv kurbana ispušta u kanale za odvod otpadnih i atmosferskih voda, što je u ovom slučaju očigledno urađeno.

O ovome je telefonskim putem obavještena Kantonalna uprava za inspekcijske poslove te je dežurni veterinarski inspektor odmah izašao na teren. Međutim, u momentu inspekcijskog nadzora nije zatečeno ispuštanje krvi na pomenutoj lokaciji na rijeci Miljackoj.

Obzirom na količinu krvi koja je istekla u rijeku Miljacku prilikom ovog incidenta, pretpostavlja se da krv potiče sa lokacije na kojoj je vršeno klanje većeg broja životinja. Međutim, iz Kantonalne uprave za inspekcijske poslove naglašavaju da su veterinarsko-zdravstveni inspektori preglede vršili na svim registrovanim lokacijama za klanje, kao i na lokaciji Jarčedoli gdje je u njihovom prisustvu pregledano i zaklano više stotina kurbana u organizaciji Rijasetu IZ u BiH.

Sada, nakon što je incident završen, teško je utvrditi porijeklo i lokaciju sa koje je potekla ova količina krvi, obzirom da je kanalizaciona mreža na tom lokalitetu duga i sa velikim brojem kućnih priključaka.

Grad Sarajevo, uzimajući u obzir svoje nadležnosti, nema nadležnost niti mogućnost kontrole ove kanalizacione mreže.

Jedna od preventivnih mjera koje je moguće poduzeti je aktivna medijska kampanja prije slijedećeg Kurban bajrama, a u saradnji sa ostalim nadležnim institucijama i Rijasetom IZ u BiH o dizanju svijesti građana o ispravnom odlaganju životinjskog otpada nakon klanja životinja.



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKA UPRAVA

Služba za urbano planiranje, investicijske, stambene i komunalne poslove
Broj: 09-04-1151-4-2/22
Sarajevo, 18.07.2022. godine

KANTONALNA UPRAVA ZA INSPEKCIJSKE POSLOVE
Aleja Bosne Srebrene bb Sarajevo 71000

Predmet: Zahtjev za nadležno postupanje - traži se;

Poštovani,

Odbor za javne službe, infrastrukturu i javni saobraćaj Gradskog vijeće Grada Sarajeva na 16. sjednici održanoj 13.07.2022. godine u funkciji pripreme 18. sjednice Gradskog vijeća Grada Sarajeva, razmatrao je, pod tačkom 4. Tekuća pitanja, te poslije diskusije, te sažetka Predsjedavajućeg, Odbor za javne službe, infrastrukturu i javni saobraćaj jednoglasno je usvojio slijedeći **zaključak**:

„Odbor za javne službe, infrastrukturu i javni saobraćaj upućuje inicijativu Gradskom vijeću Grada Sarajeva da donese zaključak kojim će se zadužiti Gradonačelnica da razmotri problem uočen u vrijeme klanja kurbana kada je u Miljacku sa bistričke strane, preko puta Vijećnice uočeno izlivanje velike količine krvi, što su evidentirali mediji i društvene mreže, te da ovoj problematici i eventualnom prijedlogu rješenja informiše Gradsko vijeće, a da Gradsko vijeće Grada Sarajeva iskaže zabrinutost zbog pojava kao što je ova, koje štete ugledu grada Sarajeva“.

Ovim putem Vas molimo, a na osnovu naprijed navedenog, da u okviru svojih nadležnosti pokušate izvršiti prevenciju ovakvih incidenata, te da nam dostavite Zapisnik o izvršenom inspekcijskom nadzoru, obzirom da je Grad Sarajevo upravitelj uređenih vodotoka na području grada Sarajeva.

S poštovanjem,

Pomoćnica Gradonačelnice

Merima Arifić

Dostaviti

-naslovu

-a/a

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba

